



Broj: 10-04-31603-41/25

Sarajevo, 21.11.2025. godina

SKUPŠTINA KANTONA SARAJEVO
-Skupštinska služba-

PREDMET : Odgovor na zastupničku inicijativu – dostavlja se

Zastupnica Miomirka Melank u skladu sa članom 106. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, broj 15/13, 47/13, 47/15, 48/16, 9/20, 14/20, 16/22 i 17/22 – Ispravka i 47/24), dana 13.10.2025.godine, u okviru tačke Dnevnog reda "Poslanička / zastupnička pitanja, inicijative i odgovori" uputila je zastupničku inicijativu da se u Kantonu Sarajevo uvede obavezna vakcinacija kao uslov za upis djece u vrtiće i osnovne škole.

U vezi sa postavljenom zastupničkom inicijativom dostavljamo slijedeći:

ODGOVOR

Ministarstvo zdravstva Kantona Sarajevo je dana 21.10.2025.godine predmetnu zastupničku inicijativu dostavilo JU Zavod za javno zdravstvo Kantona Sarajevo te zatražilo odgovor.

JU Zavod za javno zdravstvo Kantona Sarajevo je dana 18.11.2025.godine dostavilo odgovor, akt broj 01.4-10510/25 od 14.11.2025.godine, u kojem sa svog stručnog gledišta navode da je opravdana inicijativa da se upis u vrtiće uslovi dostavljanjem dokaza o izvršenoj vakcinaciji za uzrast djeteta predviđen kalendarom imunizacije koji proizilazi iz Naredbe o imunizaciji Federalnog ministarstva zdravstva, uz izuzetke iz medicinskih razloga.

Istovremeno Zavod ukazuje da se takva mjera ne može primjenjivati na upis u osnovne škole kao ni na obavezni boravak u predškolskoj ustanovi za djecu u godini pred polazak u osnovnu školu, budući da su to zakonske obaveze i pravo svakog djeteta, koje moraju biti dostupne bez dodatnog uslovljavanja. U prilogu dostavljamo odgovor Zavoda za javno zdravstvo.

S poštovanjem,

Dostaviti:
- naslovu
- a/a

MINISTAR
Prim [redacted] ć



Broj: 01.4 - 10510/25
Sarajevo, 14.11.2025. godine.

MINISTARSTVO ZDRAVSTVA KS
Reisa Džemaludina Čauševića 1
71000 Sarajevo

Bosna i Hercegovina
Federacija Bosne i Hercegovine
KANTON SARAJEVO

PRIMLJENO		18-11-2025	
Organizaciona jedinica		Broj prijema	
10	04	31603-41-130	

N/r Ministra, Prim.mr.sci.dr.med. Enis Hasanović

Mirka
20.11.25

Predmet: Odgovor na zastupničku inicijativu zastupnice Miomirke Melank

Veza Vaš akt: 10-33-31603-41/25 od 21.10.2025. godine

Poštovani,

Zastupnica **Miomirka Melank** je, u skladu sa članom 106. Poslovnika Skupštine Kantona Sarajevo („Službene novine Kantona Sarajevo“, broj 41/12 – Drugi novi prečišćeni tekst, broj 15/13, 47/13, 47/15, 48/16, 9/20, 14/20, 16/22, 17/22 – ispravka i 47/24), dana **13.10.2025. godine**, u okviru tačke Dnevnog reda „**Poslanička/zastupnička pitanja, inicijative i odgovori**“, uputila **zastupničku inicijativu** da se u Kantonu Sarajevo uvede obavezna vakcancija kao uslov za upis djece u vrtiće i osnovne škole.

Zavod za javno zdravstvo Kantona Sarajevo na postavljeno zastupničko pitanje dostavlja sljedeći

ODGOVOR

Zavod prepoznaje javnozdravstvenu važnost inicijative, posebno u kontekstu smanjenog obuhvata imunizacijom i učestalijih epidemijskih pojava bolesti koje se mogu spriječiti vakcinama. Visok obuhvat vakcinacijom predstavlja ključnu mjeru zaštite zdravlja djece, ali i sigurnosti kolektiva u kojem borave. Posebno ističemo da je u Kantonu Sarajevo uvedena mogućnost **elektronskog unosa svake aplicirane vakcine iz Programa obavezne imunizacije**, što predstavlja značajan iskorak u praćenju i unapređenju obuhvata, te omogućava pravovremenu identifikaciju nevakcinisane djece i efikasnije javnozdravstvene intervencije.



Adresa: dr. Mustafe Pintola br.1, 71210 Ilidža
Tel: 627-889; Fax: 622-227
web: <http://www.zzjzks.ba>
e-mail: info@zzjzks.ba



Zavod podržava inicijativu zastupnice da se **upis u vrtiće** uslovi dostavljanjem dokaza o izvršenoj vakcinaciji za uzrast djeteta predviđen kalendarom imunizacije koji proizilazi iz Naredbe o imunizaciji Federalnog ministarstva zdravstva, uz izuzetke iz medicinskih razloga. S obzirom na to da boravak u vrtiću nije zakonska obaveza, ovaj model predstavlja prihvatljiv i javnozdravstveno opravdan pristup koji se primjenjuje i u nizu evropskih zemalja, posebno radi zaštite najranjivijih skupina djece koje borave u bliskom kontaktu te sprječavanja mogućih komplikacija kod djece usljed obolijevanja od vakcinopreventabilne bolesti.

Istovremeno, Zavod ukazuje da se takva mjera ne može primjenjivati na upis u osnovne škole, kao ni na obavezni program boravka u predškolskoj ustanovi za djecu u godini pred polazak u osnovnu školu, budući da su to zakonski regulisane obaveze i pravo svakog djeteta, koje moraju biti dostupne bez dodatnih uslovljavanja. U tim segmentima, mjere za unapređenje obuhvata imunizacijom trebaju biti usmjerene na edukaciju roditelja, jačanje saradnje zdravstvenih i obrazovnih ustanova te kontinuirane javnozdravstvene aktivnosti.

Napominjemo kao najznačajniju činjenicu, da je imunizacija djece propisana: „Naredbom o programu obaveznih imunizacija stanovništva protiv zaraznih bolesti u 2025. godini“, Službene novine FBiH broj 26/25 koja u pravnom smislu podrazumjeva obaveznost vakcinacije za svako dijete, nevezano za obrazovanje.

S poštovanjem,

Izradio:

Dr Asaf S. [redacted] e

Voditelj odjela za imunizaciju

Kontrolisala:

Rukovodilac RJ za epidemiologiju

Prim. [redacted] logije

Dostaviti:

- Naslovu;
- Arhiva kabineta Direktora i
- RJ za epidemiologiju

